



綱目所載

十五載

丙申

玄宗天寶十五載即肅宗至德元載

正月

以李隨為河南節度使許遠為睢陽太守

二月

真源令張巡起兵雍丘討賊

分註與通鑑所載相同者茲不復贅以不
刊通鑑不載而分註有異者當詳錄之以備
參考餘註倣此

秋七月

令狐潮圍雍丘張巡擊走之

分註與通鑑所載大同小異綱目書七月下
通鑑載五月令孤潮復引兵攻雍丘有此異
耳餘文皆同

十二月

張巡移軍寧陵與賊將楊朝宗戰大破之
分註令孤潮李庭望攻雍丘數月不下築城
於雍丘之北以絕其糧援賊常數萬人而張
巡衆纔千餘每戰輒克河南節度使魏王巨
屯彭城假巡先鋒使是月魯東平濟陰陷于
賊賊將楊朝宗帥馬步二萬將襲寧陵斷巡
後巡遂拔雍丘東守寧陵以待之始與睢陽

太守許遠相見是日朝宗亦至巡遠與戰晝
夜數十合大破走之斬首萬餘級敕以巡為
河南節度副使以將士有功遣使詣魏王巨
請空名告身及賜物巨唯與折衝果家告身
三十通不與賜物巡移書責巨巨竟不應

二載丁酉 肅宗皇帝二載

正月

賊將尹子奇寇睢陽張巡入睢陽與許遠拒却
之

分註安慶緒以子奇為河南節度使子奇以
歸檀兵十三萬趣睢陽許遠告急于張巡巡

自寧陵引兵入睢陽巡有兵三千人與遠兵
合合六千八百人賊悉眾逼城巡督勵將士
晝夜苦戰一日或二十合凡十六日擒賊將
六十餘人殺士卒二萬餘眾氣自倍遠謂巡
曰遠懦不習兵公智勇兼濟遠請為公守請
公為遠戰自是之後遠但饋軍糧脩戰具居
中應接而已戰鬪籌畫一出於巡賊遂夜遁

三月

尹子奇復寇睢陽張巡擊走之

分註尹子奇復引兵攻睢陽張巡謂將士曰
吾受國恩所守正死耳但念諸君捐軀力戰

而賞不酬歎以此痛心耳將士皆激勵請奮
巡乃椎牛饗士盡軍出戰賊望見兵少笑之
巡執旗帥諸將直衝賊陣賊乃大潰明日賊
又合軍至城下巡出戰晝夜數十合屢摧其
鋒而賊攻圍益急其下云云與通鑑所載相
同

秋七月

尹子奇復寇睢陽

分註子奇復徵兵數萬攻睢陽城中食盡將
士人廩米日一合雜以茶紙樹皮為食饋救
不至士卒消耗至千六百人皆飢病不堪鬪

遂為賊所圍張巡乃脩守具賊為雲梯勢如
半虹置精卒二百於其上推之臨城欲令騰
入巡預於城潛鑿三穴俟梯將至一穴中出
大木末置鉄鈎鈎之使不得退二穴中出一
木柱之使不得進一穴中出一木末置鉄籠
盛火焚之賊又以鈎車鈎城上棚閣巡以大
木置連鑲大環投其鈎而截之賊又造木駟
攻城巡鎔金汁灌之賊又以土囊積柴為登
道欲登城巡潛燃松明乾蒿投之積十餘日
使人順風持火焚之巡之所為皆應機立辨
賊伏其智不敢復攻遂於城外穿三重壕立

本柵以守巡亦於其中作壕以拒之士卒
死傷之餘總六百人時許汭冀在譙郡尚衡
在彭城賀蘭進明在臨淮皆擁兵不救城中
日盛巡乃令南霽雲犯圍而出告急於臨淮
進明愛霽雲勇壯具食巡之霽雲泣曰睢陽
之人不食餘矣雖欲獨食且不下咽
大夫坐擁強兵曾無分災救患之意豈忠臣
義士之所為乎因齧落一指以示進明日霽
雲既不能達主將之意請留一指以示信歸
報座中皆泣下霽雲去至寧陵與城使廉坦
同將步騎三千人且戰且行至城下大戰壕

賊營死傷之外僅得千人入城城中將吏知無救皆慟哭賊圍益急初房瑄為相薦進明以為河南節度使而以許林冀為之郡知兵馬使俱兼御史大夫林冀遂不受其節制故進明不職兵非惟疾巡遠功名亦懼為叔冀所奪也

胡氏曰進明亦可謂不品矣巡遠危迫我能救之功益獨不存我乎誠有虞於林冀者直以事理勝於聽命可也遲疑與懦忠義不立豈不辱乎房瑄若知進明不可用則明言於上而廢之以為才則不當用私惡而廢之

以兵柄操此以馭人群難乎功業之遂矣考異曰南霽雲斷指齧指異者當從舊傳為是

冬十月

尹子奇陷睢陽張巡許遠死之

分註與通鑑大同小異詳見本傳

費明曰張巡死節表表在人無可言者然許遠生致洛陽而綱目已書其死者遠雖不死於睢陽然未幾亦死於京師故綱目等而書之則見其均為死節之臣耳固不可以先後而異其觀也

列傳

列傳所載

李翰擢進士第翰所善張巡死節睢陽人媚其功以為降賊肅宗未及知翰傳巡功狀表上之曰臣聞聖主褒死難之士養死事之孤或親推轂車或追建邑封厚死以慰生撫存以答亡君不遺於臣臣亦不背於君也自逆胡搆亂張巡忠義奮發自春訖冬大戰數十小戰數百以弱制強出奇無窮殺賊兇醜九十餘萬賊不敢越睢陽取江淮江淮以完巡之力也城孤糧盡外救不至猶奮羸起病摧鋒陷堅城陷見執卒無撓詞慢叱兇徒精貫白

日雖古忠烈無以加焉議者罪巡以食人愚巡以守死臣切痛之夫忠者臣之教恕者法之情巡握節而死非虧教也析骸以爨非本情也春秋以功覆過書赦過宥刑易遏惡揚善為國者錄用弃瑕今者乃欲議巡之罪是廢教絀節不以功掩過不以刑恕情善可遏惡可揚瑕錄而用弃非所以獎人倫明勸戒也且祿山背德大臣將相比肩從賊巡官不朝宴不坐無一伍之士一節之權徒奮身死節以動義旅不謂忠乎以數十卒橫挫賊鋒若無巡則無睢陽無睢陽則無江淮今陝鄂一戰犬羊駭北王師震其西巡扼其東此天使巡幸江淮

以待陛下師至而巡死不謂功乎古者列國侵伐猶分災救患諸將同受國恩奉辭伐罪巡固守以待外援援不至而食盡食盡而及人則巡之情可求矣巡身首分裂宜於睢陽相擇高原起塚招魂而葬旌善之義也謹昧死上儻得列于史官死骨不朽帝由是感悟而巡大節白於世義士多之

郡誌

歸德州誌書所載

六王廟在州南城上按舊志載六王者張巡許遠南霽雲雷萬春賈賁姚閻六臣皆侯爵稱之六王者重其死節而推尊之也南霽雲雷萬春皆巡將

也姚閻東平太守死節故得配二子肅宗至德元年實天寶十五年春正月安祿山僭號時許遠為睢陽太守張巡為真源今起兵雍丘討賊雍丘今杞縣真源今鹿邑賈賁時為單父尉亦起兵三月賊攻雍丘賈出戰死之巡兼領賈衆禦賊不得攻大敗之七月賊又圍雍丘巡城中矢盡束草人數千收賊箭數萬以計破賊賊大敗走後賊率馬步二萬自東平將襲寧陵斷巡後巡乃移軍寧陵與賊將楊朝宗戰大敗之始與睢陽太守許遠相見明年正月自雍丘趣睢陽遠告急於巡巡入睢陽與許遠共拒却之賊敗走三月賊復寇睢陽巡掩

其不備與南霽雲雷萬春等十餘將將步五十騎
開門突出斬賊將五十餘人殺士卒五千餘人巡
欲射尹子奇不識以蒿箭中者喜謂巡矢盡走白
子奇乃得其狀使霽雲射之中其左目獲賊乃
走秋七月尹子奇復寇睢陽城中食盡士卒消耗
賊累攻巡累却之霽雲犯圍告急於臨淮賀蘭進
明不發救雲齒指示信以歸至寧陵與城使廩垣
同將步騎三千人且戰且至城下大戰賊營死
傷之外僅得千人入城城中知無助慟哭冬十月
賊久圍睢陽城中人食盡茶紙又盡巡食馬盡羅
雀掘鼠鼠雀既盡巡殺愛妾以饗士卒遂亦殺其

如然後括城中婦人食之既盡繼以男子老弱者
始議棄城東走張巡許遠謀以為睢陽江淮之保
障若棄之去賊必乘勝長驅是無江淮也至是賊
登城巡諸將士病不能戰巡西向拜曰臣力竭矣
不能全城生無以報陛下死當為厲鬼以殺賊滅
遂陷巡遠俱被執南霽雲雷萬春等三十六人皆
斬生致許遠於洛陽死之今見有碑記

序

張中丞傳後序

韓愈

元和二年四月十三日初愈與吳郡張籍闕家中
舊書得李翰所為張巡傳翰以文章自名為此傳

頗詳密然尚恨有關者不為許遠立傳又不載雷
萬春事首尾遠雖材若不及巡者開門納巡位本
在巡上授之柄而處其下無所疑忌竟與巡俱守
死成功名城陷而虜與巡死先後異耳兩家子弟
材智下不能通知二父志以為巡死而遠就虜疑
畏死而解服於賊遠誠畏死何苦守尺寸之地食
其所愛之肉以與賊抗而不降乎當其圍守時外
無蚍蜉蟻子之援所欲忠者國與主耳而賊語國
亡主滅遠見救援不至而賊未益衆必以其言為
信外無待而猶死守人相食且盡唯愚人不能數
日而知死處矣遠之不畏死亦明矣烏有城壞其

徒俱死獨蒙愧耻求活雖至愚者不忍為嗚呼而
謂遠之賢而為之邪說者又謂遠與巡分城而守
城之陷自遠所分始以此詬遠此又與兒童之見
無異人之將死其藏腑必有先受其病者引繩而
絕之其絕必有處觀者見其然從而尤之其亦不
達於理矣小人好議論不樂成人之美如是哉
如巡遠之所成就如此卓卓獨不得免其他則又
何說當二公之初守也寧能知人之卒不放棄城
而遂遁苟此不能守雖避之他處何益及其無故
而且窮也將其創殘餓羸之餘雖欲去必不達二
公之賢其諱之精矣守一城捍天下以千百就盡

之卒戰百萬日滋之師蔽遮江淮沮遏其勢天下
之不忘其誰之功也當是時棄城而圖存者不可
一二數擅強兵坐而觀者相環也不追議此而責
二公以死守亦見其自比於逆亂設淫辭而助之
攻也愈嘗從事於汴徐二府屢道於兩府間親祭
於其所謂雙廟者其老人往往說巡遠時事云南
霽雲之乞救於賀蘭也賀蘭嫉巡遠之聲感功績
出已上不肖出師救愛霽雲之勇且壯不聽其語
彊留之具食與樂巡霽雲坐霽雲慷慨語曰雲來
時睢陽之人不粒食月餘日矣雲雖欲獨食議不
忍雖食且不下咽因拔所佩刀斷一指血淋漓以

示賀蘭一座大驚皆感激為雲泣下雲知賀蘭終
無為雲出師意即馳去將出城抽矢射佛寺浮圖
矢著其上執半箭曰吾歸破賊必滅賀蘭此矢所
以志也愈貞元中過泗州船上人猶指以相語城
陷賊以及脅降巡巡不屈即牽去將斬之又降霽
雲未應巡呼雲曰南八男兒死耳不可為不義屈
雲笑曰敬將有為也公有言雲敢不死即不屈張
籍曰有子嵩者少依於巡及巡起事嵩嘗在圍中
籍大曆中於和州烏江縣見嵩嵩時年六十餘矣
以巡初嘗得臨煥縣尉好學無所不讀籍時尚小
粗問巡遠事不能細也云巡長七尺餘鬚髯若神

嘗見高讀漢書謂高曰何為久讀此高曰朱勲也
巡曰吾於書讀不過三遍終身不忘也因誦高所
讀書盡卷不錯一字高驚以為巡偶熟此卷因亂
抽他帙以試無不盡然高又取架上諸書試以問
巡巡應口誦無疑高後巡久亦不見巡常讀書為
文章操紙筆立書未嘗起草初守睢陽時士卒僅
萬人城中居人戶且數萬巡因一見問姓名其後
無不識者巡怒鬚髮輒張及城陷賊縛巡等數十
人坐且將戮巡起旋其衆見巡起或起或泣巡曰
汝勿怖死命也衆泣不能仰視巡就戮時顏色不
亂陽陽如平常遠覽厚長者貌如其心與巡同年

生月日後於巡呼巡為兄死時年四十九高貞元
初死於亳宋間或傳嵩有田在亳宋間武人奪而
有之嵩將詣州訟理為所殺嵩無子張籍云

宋宋祁公奉勅撰序

夫有生所甚重者身也得輕用者忠與義也後身
先義仁也身可殺名不可死志也大凡捐生以趣
義者寧豫期垂名不朽而為之雖一世成敗亦未
必濟也要為重所與終始一操雖頑嵩岱不吾壓
也夷齊排周存商不害亡而周以與兩人至餓死
不肯屈卒之武王蒙勲德而夷齊為得仁仲尼變
色言之不敢少損焉故忠義者真天下之大閑歟

姦鐵逆鼎搏人而肆其毒然殺一義士則四方解
情故亂臣賊子絕然疑沮而不得逞何哉歎所以
為彼者而為我也義在與在義亡與亡故王者常
推而褒之所以砥礪生民而窒不軌也雖然非烈
丈夫曷克為之彼委靡軟熟偷生自私者真畏人
也哉

嘉話

嘉話所載

唐劉夢得嘉話載其謝加金吾表云主辱臣死當
臣致命之時惡稔罪盈是賊滅亡之日激厲將士
賦詩有云裹瘡猶出陣飲血更登陴又夜聞笛詩

云門開邊月近戰苦陣雲深觀此則從之文辭可
見矣

唐忠臣錄卷之二

封號

前朝封號

真君姓張名巡鄧州南陽人也博通群書曉戰陣法開元末擢進士第繇太子通事舍人出為清河令更調真源今天寶十五載拜主客郎中副河南節度使至德二載拜御史中丞年四十九歲歿贈

新安鄭瑄 編集

姚江胡徵 者詳

四明徐維超 校正

上洋衛庸 刊行

揚州大都督大中二年圖象交煙閣立廟睢陽歲時致祭 唐封千聖郎君通真三大子 妻申國夫人 子亞夫拜金吾大將軍

宋乾德二年封征應護聖使者至和二年封普安大尉元豐三年封嘉應侯致和三年封靈佑侯致和六年封佑順顯靈公宣和七年賜廟額加封昭烈二字建炎二年封忠靖王紹興十七年封妻協惠夫人紹興二十二年封忠靖威顯王隆興九年封忠靖威顯靈佑王乾道七年封忠靖威顯靈佑英濟王景定元年封忠靖景祐真君元至正元年封護國忠靖威顯景祐真君至正七年封護國忠

靖威顯洪濟景祐真君

祭典

致祭事實

開封府歸德州為陳言事奉奉

河南等處承宣布政使司劄付承准

行在禮部正字三百六十九號勘合前事於行在

禮科抄出知州李志

奏看得本州乃唐時忠臣張巡許遠等戰守死節故

睢陽郡有協忠廟一所內塑張許雷萬春南霽雲

賈賁姚閻鄉人稱為六王雙廟史書云能保障江

淮自唐宋元以來俱有褒謚祭祀其碑文有曰雙

廟忠義之寄將以啓天下後世忠臣義士之心又
曰天以完節畀之以為天下後世協忠者勸即今
未有祭祀本州欲行買辦牲帛等物歲時致祭緣
係前代忠臣如蒙

准言乞

勅賜以祭典庶使已往忠臣之名不泯將來忠義之
士由興等因具奏奉

聖旨禮部知道欽此欽遵抄出到部稽之史傳張巡
唐御史中丞贈揚州大都督許遠唐睢陽太守贈
荊州大都督南霽雲唐馬軍兵馬使贈揚州大都
督姚閻唐東平太守贈潞州大都督高春唐守

睢陽裨將賈贛唐單父尉監察御史當安祿山之
變賊將史思明等侵犯睢陽其張巡許遠同心協
力率衆戰守保障江淮及力盡城陷俱能盡忠死
節理宜褒祀以為天下後世忠義勸今議得張巡
許遠功蹟尤著宜居正祀其南霽雲等四人配享
欲行行在翰林院撰祭文所在官司支給官錢買
辦牲醴等物每歲春秋仲月擇日致祭緣係褒勵
忠節未敢擅便宣德元年三月十六日早本部官
於奉順門題奏奉

聖旨是欽此欽遵合行本司轉行開封府着落歸德
州當該官吏支給官錢照依開去牲醴品物兩平

收買每遇春秋仲月擇日本處長官致祭如儀行
禮仍將用過官錢開報行在戶部知數毋得因而
侵擾承此擬合通行劄付本府轉行歸德州照依
勘合內事理至日務要誠敬蠲潔致祭毋得褻慢
奉此擬合就行帖仰本州文書到日照依劄付內
事理依期致祭施行奉此除遵依外行准知州李
志關所有祭文儀注若不立石誠恐傳寫年久字
或差訛不便准此合行立石謹誌

宣德九年八月

吉日

賜祭唐忠臣張巡許遠等文

維某年歲次某

月某朔某日某甲子

皇帝遣歸德州知州某致祭于

唐御史中丞贈揚州大都督張公之神

唐睢陽太守贈荊州大都督許公之神

唐馬軍兵馬使贈揚州大都督南公之神

唐東平太守贈潞州大都督姚公之神

唐守睢陽裨將雷公之神

唐單父尉監察御史賈公之神惟

神威稟至性効忠所事捐軀徇節金石其心炳
炳光輝垂休永代君臣之義人道之綱風化所
關表勵宜厚爰命有司祇修常禮英靈斯在尚
其享之

遣祀唐忠臣儀注

前期齋戒二日省牲至日通贊唱執事者就位執
事各司其事通贊唱獻官就位獻官便服入位通
贊贊四拜禮祭通贊唱奠帛行初獻禮引贊引獻官
詣盥洗所盥洗訖詣酒樽所執事者各捧帛爵進
于神位前執事者以帛爵進于獻官立奠獻訖引
贊唱讀祝讀祝者立讀訖復位通贊唱行亞獻禮
禮如行終獻禮禮如通贊贊四拜禮祭通贊唱讀祝者捧
祝進帛者捧帛各詣瘞所禮畢

祭祀共一壇

一祭物

羊一 豕一 釧六 饌盛 白帛六 篚六

酒 盞六 黍 稷 籩豆各一

棗 棗 醢 簋各一

祭圖每位一



神位

此

莫

于

爵

爵

爵

醑

醑

醑

醢

醢

醕

醕

醗

醗

碑記

唐故特進贈開府儀同三司揚州大都督南
府君睢陽廟碑并序

柳宗元

急病讓夷義之光圖國忘死貞之大利合而動乃
市賈之相求恩加而感則報施之常道睢陽所以
不階王命橫絕凶威超千祀而挺生奮百代而特
立者也時惟南公天與養勇神資機智藝窮百中
豪出个人不遇興嗣鬱尤眉之都尉數奇見惜挫
獲臂之將軍天寶末寇劇憑陵隳突河華天旋虧
斗極之位地圯積狐狸之穴親賢在庭子駿陳謨

以佐命元老用武夷甫委師而勸進惟公與南陽
張公巡高陽許公遠義氣懸合訐謀大同擔鳩武
旅以遏橫潰裂裳而千里來應左袒而一呼皆至
柱厲不知而死難狼暉見黜而奔師忠謀訥然莫
夫齊力公以推讓且專奮擊為馬軍兵馬使出戰
則群校同強入守而百雉齊固初據雍丘謂非要
害保江淮之臣庶通南北之奏復拔我義類扼於
睢陽前後捕斬要遮凶氣連沮漢兵已絕守䟽勤
而彌堅虜騎雖強頓盱眙而不進賊徒乃棄疾於
我悉衆合圍技雖窮於九攻志益專於三板偪陽
懸布之勁汧城鑿穴之竒息意牽羊羞鄭師之大

臨甘心易子鄙宋臣之病告諸侯環顧而莫救國
命阻絕而無歸以有盡之疲人敵無已之強寇公
乃躍馬潰圍馳出萬衆抵賀蘭進明乞師進明乃
張樂侑食以好聘待之公曰弊邑父子相食而君
辱以燕禮獨何心歟乃自噬其指曰敢此足矣遂
慟哭而返即死孤城首碎秦庭終憎無衣之賦身
離楚野徒傷帶劍之辭至德二年十月城陷遇害
無傳燹之嘆息有周苛之慷慨聞義能徙果其初
心烈士抗辭痛感洪之同日直臣致憤惜蔡恭於累
旬朝廷加贈特進揚州大都督定功為第一等與
張氏許氏並立廟睢陽歲時致祭男在襁褓皆受

顯秩賜之土田葬刻鮑信之形陵圖龐德之狀納
官其子見勾踐之心羽林字孤知孝武之志舉門
關於周典徵印綬於漢儀王猷以光寵錫斯備於
戲睢陽之事不惟以能死為勇善守為功所以出
竒以恥敵立懂以怒寇俾其專力於東南而去備
於西北力專則堅城必陷備去則天討可行是故
即城陷之辰為克敵之日世徒知力保於江淮而
不知功靖乎醜虜論者或未之思歟公諱霽雲字
某范陽人有子曰承嗣七歲婺州別駕賜緋魚袋
歷施涪二州服忠思孝無替負荷懼祠宇久遠德
音不形願斲堅石假辭紀美惟公信以許其友剛

以固其志仁以愛其肌膚勇以振其氣忠以推其敵
烈以死其事出乎內者合於貞行乎外者貫於義
是其所以奮百代而超千祀者矣其志不亦宜乎
廟貌斯存碑表倣託洛陽城下思鄉之夢儻來麒
麟閣中即圖之詞可繼銘曰貞以圖國義惟急病
臨難忘身見危致命漢寵死事周崇死政烈烈南
公忠出其性控扼地利奮揚兵柄東護吳楚西
周鄭焚焚群凶害氣彌盛長蛇封豕頭躍不定
彼睢陽制其要領橫潰不流疾風斯勁梯衝外
走穴中偵鈴馬非艱析骸猶競浩浩烈士不聞濟
師兵食殲馬守逾三時公奮其勇單車載馳投軀

無告噬指而歸力窮就執猶抗其辭圭辭可碎堅
貞不屬寇力東盡光威西應孤城既拔渠魁受戮
雷霆之誅由我而速巢穴之固由我而覆江漢滋
湖群生咸有倬馬勲列孰與齊躅天子震悼陟是
元功旌表有加命秩斯崇位尊九牧禮視三公建
茲祠宇式是形容壯宰伊碩黍稷伊豐虔虔孝嗣
望慕無窮刊碑河澣萬古英風

重建睢陽雙廟記

中奉大夫江西等處行尚書省叅知政事

東平徐琰撰

歸德總管府經歷侯珩書篆

唐張許死節廟食睢陽以南霽雲配世稱雙廟者
是也歷代贈官皆至州大都督既而增祀賈賁雷
萬春復稱五王廟宋大觀中賜諡侯諡巡忠烈遠
忠義霽雲忠壯賁忠濟萬春忠之而表其廟曰協
忠紹興中因蓋官有忠義侯廟詔許增祀如睢陽
又合東平太守姚閭以配並賜爵上公其於褒忠
勵節至矣睢陽廟舊在城南七里所金末河南被
兵蕩燬無子遺邑之耆老相與謀欲構故基以祀
張許前後數十年不濟于成至元二十有六年主
簿柴林武率里人之好事者以為城南去人煙遠
香火不便卜地於睢陽城中面照碧堂而為之祠

介前歸德府判監察御史王茂來問古稱雙廟張許而已既以南配又增賈雷往制如此今襲而復之於義何如仍乞文以記余謂自古當大患難立大名節要非一手足之所能致奔走先後品量臣細人人殊而趨事赴功之心捐軀報國之志則一而已祀此遺波後何以勸况二公孤危之際嘗歆割肌以啖衆分所愛之肉以饗士同甘苦齊死生之意為何若尸而祝之薦裸寅潔來歆來享風馬雲車其必景從上下四方也無疑遠稽唐文近激宋禮俾有位而得祀者咸秩焉崇叔武之舉不為過嗚呼事有不切身而興懷人有不同時而共憤

是可觀也已余義之而有感焉睢陽死節三十六人史稱寧陵之功別將二十有五皆從巡死難而姓名之可見者僅二十有一祀又弗及今祀于廟者纔六他所遺落者亦多矣或曰忠臣義士知盡吾忠義而已生而心不能白於時死而名不得聞于後者何限謂封侯廟食足以待天下之忠臣義士則否余曰是忠臣義士之心也有天下國家而為是言則非所以訓故雙廟忠義之寄也將以啓天下忠臣義士之心也錄張許而不盡見諸將固為唐之史氏惜脩典祀而不敢遺數公余猶為天下國家幸舉不祀不足為諸公毫末重輕而增一

祀則於天典民彛千鈞也嗚呼是役也有足書者
而余有感焉歐陽公錄死節五代僅得三人其難
如此世變日下安得搜五百年之廢簡而盡祠睢
陽死節者哉至元二十八年四月吉日
至元二十九年十月吉日立石

重建協忠廟記

嘉議大夫工部右侍郎前翰林

侍講兼脩

國史吉水羅汝敬撰

士之致身當時以能廟食百世使人不忘者必其
行義足以勵俗智謀足以尊主庇民也若歸德州

之協忠廟祀者其庶幾乎歸德唐之睢陽郡為江
淮保障為關陝喉衿安史扇妖河北州郡悉皆蠹
靡惟真源令張公巡以其仗節之衆赴郡守許公
遠相與力保孤城以遏賊鋒蓋以睢陽存關陝可
固東南可保而中興事績可圖也方此之時控弦
之羯累十萬而睢陽疲卒總數千孰不以城破猶
反掌况望其能匡復唐室者乎二公同心同力奮
不顧身城存與存城亡與亡於是疊出奇計以沮
亂畧雖力殫城陷身斃逆鉄而中興之業寔基於
此報功以祀宜哉或曰二公之功固偉矣第剪滅
亡虜在二公既死之後再造唐室郭李輩百戰之

餘為可惜耳噫是豈足與論成敗之數耶夫中興之功非成於功成之日逆賊之破非破於俘馘之時向使睢陽失折衝之機則胡騎長驅東南板蕩而國用資穹廬衣纓變椎卉彼四節度者且不能取睢陽郭李雖萬又安能克復兩京以廓清寰宇哉矧二公既死救始至殆天以完節畀之以為天下後世協忠者勸不然州人之慕之久而不忘有如是夫祀以報之誠宜也同赴二公之難時則有若名將南霽雲雷萬春城父令姚閻單父尉賈賁皆一時人傑知有二公之命而不知有其身者故得各以其功配享廟舊在城南七里許元至元間

以兵燹之餘廟無孑遺去城遼遠不便香火主簿柴升武乃卜地移置南城上邳州人又間以禱祈不便告按察僉事劉君咸州守李君志指揮使趙君勝偕僚屬以下乃相吉地州治東率諸好事者捐奉貲以造焉鳩工營建廟屋為殿者三間為廡者東西各稱是為門屋者一間外門一座皆像神儀于其中周為繚垣對樹嘉木扁以翰林朱君孔易大書協忠廟宇完飾宏敞輪奐一新足稱神棲而便瞻仰矣既落成郡人鴻臚鄉涂君永達徵文以志顛末嗟夫二公之忠誠在天地二公之勛名在史官所不必書若夫所以尊主庇民而砥礪名

唐忠臣錄 卷之六
教者固不可逸也姑著之麗牲之石如此且系之
詩俾祠者歌焉詩曰在昔阿莘機禍究唐室有半
淪羶風孽孤狂揆騰妖蹤二十四部誰其雄人豪
挺特張許公一德比義嬰孤墉斬梟馘推逐鋒
力幹綱紀天無功宗功報德元祀同城頭雙廟褒
典崇迹來徙吉州治東靈耀益振秩益隆民康物
阜年屢豐景貺攸萃昭精忠翠珉有刻垂無窮

詩

夜聞笛

張中丞

峒嶽試一臨虜騎俯城陰不辨風塵色安知天地
心門開邊月近戰苦陣雲深旦夕更樓上遙聞橫

笛音

守睢陽

張中丞

接戰春來苦孤城日漸危合圍倂月暈分守效魚
麗屢厭黃塵起時將白羽麾瘡猶出戰飲血更
登陣忠信應難敵堅貞自不移無人報天子心計
欲何施

唐忠臣錄卷之二終

唐忠臣錄卷之二

新安鄭瑄 編集

姪江胡徵 看詳

四明徐維超 校正

上洋衛庸 刊行

詞
宋

沁園春

文天祥 宋丞相

為子死孝為臣死忠死又何妨自光岳氣分士
無全節君臣義缺誰負剛腸罵賊睚陽愛君許
遠留得聲名萬古香後來者無二公之操百鍊

之鋼人生翕歛云亡好烈烈轟轟做一場使當
時賣國甘心降虜受人箠罵安得流芳古廟幽
沈遺容儼雅枯木寒鴉幾夕陽郵亭下有英雄
過此仔細思量

賊

皇明

吊雙廟賊有序

泰和劉成 河南僉憲

歸德古睢陽郡實有唐忠臣張許二公死節
之地也舊有廟遠在南城之上歲久荒落今
年冬余行部過之民以香火不便告因率郡
中官屬各捐俸資移新廟于州治之東既落

成遂作賊以吊之其詞曰

佩憲符以行部子攬余轡乎睢陽懷將軍之大
節子渙余涕之浪浪伊昔唐之再造子時奄及
乎天寶眇胡雛之猖獗子聿逞兇而肆暴帝倉
猝以出幸子孰監國而撫軍何靈武之亟亟子
乃遺親而後君相畿甸之環列子郡二十其又
四紛僭爵與析圭子曾何人以舉義備將軍之
絕倍子羌扼腕而撫膺擔捐軀以報國子弗與
賊而俱生柰彼狂之衆多子紛叫隳而旁午雖
突圍以力戰子曾何足以禦侮矢摧敗而日盡
子士遑遑其焉施束芻備以收用子聊以試吾

策之奇爰告急於臨淮子悵邈焉其弗顧嗔指
血以淋漓子竟於吾事何補鉅茶楮以為饋子
括鼠雀以為饕彼婦人於老弱子寧獲免而見
留何寵姬與幸僕子亦弃如咳唾念肌率又廷
羸子諒割愛亦弗為過吾豈不能弃城而遁子
又豈不能掉尾而乞憐顧江淮之浩渺子保障
失其焉全生既不能以成功子死猶異為厲鬼
苟精神之不昧子尚陰圖以正其罪西向拜而
頓首子憤仰天而號呼甘舍生以就斃子濺頸
血之糝糊自將軍之云逝子世幾罹乎凶變蹈
將軍之遺烈子奚寥寥而弗見人固不免於一

死子幸得所之為難苟以義而見錄子誠有重
於泰山使將軍之在當日子或甘心而降虜雖
富貴於一朝子抑安能流芳於千古蹇子生之
遲暎子仰高風之有年悼忠魂之不作子聊抒
意乎斯篇

文

謁協忠廟文

德興孫原貞 河南右叅政

歷睢陽以周覽兮訪忠臣之遺踪慨城郭之如
故兮儼廟貌之攸崇想開元與天寶兮何後汚
而前隆原君心之致寇兮惟聲色之事穰賜金
錢於專寵兮養胡雖於後官指赤心於胡腹兮

信妖孽之彌縫偉曲江之誠鑒子豈夷甫之攸
同養於菟山遺惠子曾不懲夫夷戎震金鼓於
范陽子聲極徹於宸聰播六龍於巴蜀子憂失
馭之冲冲擅禹乘於靈武子亦繼統之忽忽馳
幽并之失守子阻殺函之不通何一人之不悟
子致天下之恟恟顧逆勢之方張子咸畏賊之
銳鋒維二公之憤忠子舉義兵以相從擁數萬
之弱卒子守要地之孤墉禦破竹之勢子期沮
折其長衝論天道與人倫子俾從逆之懷懷料
衆寡之莫敵子時出奇而一攻或擊賊之不備
子爰突入其營中庶保障於淮西子捷聲援於

關東柰糧道之阻絕子苦餽餉之無供盡茶紙
與雀鼠子建老稚之一空愛已割於寵妾子恩
莫保於家僮啖麾下以肝膽子諒飢腸之難充
衆無心以殉國子誰復顧於厥躬終授兵之不
至子力已竭於罷癘望行在而再拜子吐詞氣
之如虹生莫能於全城子死為厲鬼以除亮稟
秋霜於志節子皎白日於心胸蓋非出於一目
十行之力子抑深有得於上帝所降之衷逮夫
蕩腥羶以滅迹子情河朔以銷鋒暨變興之反
正子其亦追悔而菴忠微二公之沮逆子則郭
李諸將未易成收復之功嗚呼觀危石子驚湍

識勁草兮飄風全偏將兮一節次謚爵兮同封
雖世代兮更變遇春秋兮潔豐以死勤事兮人
臣之節以禮嚴祀兮人心之公俎葵藿以為羞
兮傾陽觴河水以醴兮朝宗或薄奠兮仰神明
之如在杼素懷兮愧予詞之匪工人之敬兮神
之靈兮與天地而長終

詩

元

韓鏞

有唐忠烈獨張公保障江淮大有功血食千年
昭祀典宵同淫鬼長巫風

又

將軍英毅在人間凜凜巍巍重泰山堪怒庸頑
儕厲鬼明靈聞此定開顏

右伯臯云楚人機而越人鬼故番郡多淫祠
獨張睢陽中丞之廟宜存餘悉燬之故作是
詩以釋俗疑焉

皇明

東吳顧祿

胡塵蔽天天為昏漁陽突騎如雲屯潼關一破
勢莫遏萬乘夜出延秋門當時列郡無男子拜
降乞伏爭趨奔維公獨能奮大義西望峨眉憂
至尊領兵哭廟守孤境視賊已欲胸中吞江淮
保障身所任裹瘡百戰酬君恩忠心昭昭耿日

月壯氣凜凜摩乾坤可憐力盡援兵絕血書無
處箋天閻閻丘雖亡事何及賀蘭不斬寃誰論
朝廷尚幸錄死節褒功贈爵如生存睢陽城下
見遺廟丹碧晃耀明朝瞰客行下馬酌卮酒彷彿
思想吾歸來寬

又

高啓

維昔天寶末君王寵奸虜雄邊委強兵遺患同
養虎叛聞遠西幸骨肉棄榛莽河北二十州義
士誰禦侮兩公起擔衆勸哭告玄祖橫身遏其
衝江淮保安土孤城無全堞百戰霜月苦力窮
援不來望鑿鑿罵益怒殘兵日飢疲秋風仆旗鼓

男兒不生降一死冠今古故鄉有遺廟倍祭巫
風舞丹青網塵中爽氣猶可觀嗟今屬喪亂戎
馬正旁午臨危肯捐軀如今未多數獨立為悲
傷斜陽下寒楚

又

無錫顧允迪

保障江淮志六忠曾看唐史識英雄堅城已竭
生前力殺賊猶期死後功廟爵幾朝追武烈居
民千載仰仁風當時百戰雖艱苦贏得沅芳宇
宙中

謁協忠廟

郴陽曹建河南滄憲

二侯協力守封疆一片丹心日月光祇想成功

月壯氣凜凜摩乾坤可憐力盡援兵絕血書無
處箋天閻閻丘雖亡事何及賀蘭不斬寃誰論
朝廷尚幸錄死節褒功贈爵如生存睢陽城下
見遺廟丹碧晃耀明朝瞰客行下馬酌卮酒彷彿
佛想吾歸來竟

又

高啓

維昔天寶末君王寵奸虜雄邊委積兵遺患同
養虎叛聞處西幸骨肉棄榛莽河北二十州義
士誰禦侮兩公起誓衆勸哭告古祖橫身遏其
衝江淮保安土孤城無全堞百戰霜月苦力窮
援不來望斷塞馬益怒殘兵日飢疲秋風仆旗鼓

男兒不生降一死冠今古故鄉有遺廟倍祭巫
鳳舞丹青網塵中爽氣猶可觀嗟今屬喪亂戎
馬正旁午臨危肯捐軀如今未多數獨立為悲
傷斜陽下寒楚

又

無錫顧允迪

保障江淮志六忠曾看唐史識英雄堅城已竭
生前力殺賊猶期死後功廟爵幾朝追武烈居
民千載仰仁風當時百戰雖艱苦贏得流芳宇
宙中

謁協忠廟

柳陽曹璉河南浚縣

二侯協力守封疆一片丹心日月光祗想成功

安社稷豈知無計脫睢陽烟塵劔戟空千載風
雨旌旗暗八荒獨有精靈存廟食令人吊窟淚
淋漓

正統乙丑冬予按部歸德歸德古睢陽郡
唐忠臣張許二公廟在焉謁拜餘輒賦七
言律以寓感慨之懷越今歲丙寅之秋予
臨其郡政暇乃擬其事實顛末作俚歌一
章書置傳後俾觀者知所激勵云 同前八

孤墻橫枕大河側浸郭茫茫波影白屹然重鎮
梁衛間屏障江淮控南北繫昔唐綱解紐時百
萬雄戎起胡羯諸郡請降王城推遍地平戈橫

汎血桓桓張許文且武臨危受命秉鈇鉞斬集
讎獲拒逆鋒大小戰爭踰數百以弱敵強露肝
膽出奇取勝畫謀策矢心直欲固睢陽睢陽可
保賊可克牽制首尾春迄冬柰何困空糧道絕
羅雀掘鼠鎡弩烹饗士殺奴割愛妾日望援兵
竟不來堅壁長歌徒激烈妖氛益圍赤熾連陣
雲蔽天白晝黑須臾城陷勢莫支三十六人同
死節誓為厲鬼報何速未旬犬渠果殄滅萬代
虹光照汗青

君臣大義由昭晰

聖世旌崇嚴廟享生氣英英寓歸德夷齊已矣三仁

安社稷豈知無計脫睢陽烟塵劔戟空千載風
雨旌旗暗八荒獨有精靈存廟食令人吊罷淚
淋浪

正統乙丑冬予按部歸德歸德古睢陽郡
唐忠臣張許二公廟在焉謁拜餘輒賦七
言律以寓感慨之懷越今歲丙寅之秋予
臨其郡政暇乃擬其事實顛末作俚歌一
章書置傳後俾觀者知所激勵云 同前八

孤墻橫枕大河側浸郭茫茫波影白屹然重鎮
梁衛間屏障江淮控南北繫昔唐綱解紐時百
萬雄戎起胡羯諸郡請降王城推遍地平戈橫

沉血桓桓張許文且武臨危受命秉鈇鉞斬梟
賊境拒逆鋒大小戰爭踰數百以弱敵強露肝
膽出奇取勝畫謀策矢心直欲固睢陽睢陽可
保賊可克牽制首尾春迄冬柰何困空糧道絕
羅雀掘鼠鎗弩烹饗士殺奴割愛妾日望援兵
竟不來堅壁長歌徒激烈妖氛益圍赤熾連陣
雲蔽天白晝黑瀕史城陷勢莫支三十六人同
死節誓為厲鬼報何速未旬大渠果殄滅萬代
虹光照汗青

君臣大義由昭晰

聖世旌崇嚴廟享生氣英英寓歸德夷齊已矣三仁

唐忠貞錄
卷之四
遠千載雖曠應同轍
我來吊古發悲歌
拔劍起舞風騷屑
寄言將來厄難臣
視茲精忠當是則

又

縉雲李棠刑部員外郎

逆豎亂天紀中原昔沸糜
列郡二十四伊誰守
孤危桓桓張許公奮起
睢水湄矜喉扼梁汴
蕃維保淮畿大小戰數百
賊勢常紛披矢盡取之
虜食盡烹愛姬困迫無
此比銳氣長不衰賀蘭
坐不救力屈莫我支
但知國有君寧知身有私
只知死可守那知生可為
罵賊念君父至死不
絕詞匪獨二公忠亦有賢
偏裨萬春信烈士南
八真男兒同時俱被執
視死猶視歸靈武既內

禪褒旌先及之廟貌嚴饗祀
英風凜雄姿古來誰無死
公死有餘輝食祿誰非臣
臣道公不虧至今節義士
感激切心脾豈無偷生輩
內顧自忸怩猗歟二公賢
不獨濟當時悠悠千載下
三綱賴扶持

又

臨川聶大年 押子耕南園

閏七月廿日余以公事來

汴藩道出歸德謁

協忠廟拜

巡許諾公像輒賦長句書置壁間使讀者
興起其忠義之氣於名教豈無小補云

睢陽城中箭如雨百戰疲兵食茶紙將軍力盡
孤城危三十六人同日死當時南八真男兒
指出血空淋漓賀蘭擁兵坐不救肯與社稷同
安危諸君赤心思報國慷慨殺身全大節死為
厲鬼亦何雄捨歎復讐終滅賊堂堂廟貌宋州
城歲時躬蟹通精誠

皇天后土鑒忠義萬古千年垂令名悲風蕭蕭撼庭

樹讀羅霄碑毛髮豎方

今六合久清寧不辨魚鱗分守處

又

柳陽高信河南左

逆虜當年犯玉京將軍戮力守孤城雲中失蓋

猶交戰石室糧無尚勒兵忠節秋霜同皎潔勳
猷嵩嶽並崢嶸魏魏廟貌垂千古真罷令人最

感情

前人

憶昔將軍忠義動睢陽保障擁孤軍飢來割愛
傳食戰敵散登陴取矢分遺壘于今虛夜月荒
墳依舊鎖寒雲紛紛臨節偷生者對此何如一
女群

又

古青徐弼河南右

何事唐綱久不競逆胡流毒禍斯民二侯全節
千年史四面孤城百戰身殺賊既當為厲鬼論
功端可配元臣幾回按部經遺廟拭淚含哀薦

藻蘋

又

潮陽丘俊 河南憲副

睢陽雙廟譽無窮完節天教付二公英魄若遲
三日死簡書那載萬年忠孤城力障江淮難百
戰心成李郭功耿耿忠貞誰得似古今青史見
褒崇

又

吉水劉清 河南僉憲

將軍浩氣塞乾坤百戰寧甘血刃痕罵賊但知
全大節愛君直欲復中原秋霜烈日勲猶著義
膽忠肝死若存天寶年來多事急空憐黎庶想
關元

又

正統丁卯春三月初七日子予因公務道出
歸德謁 唐忠臣張許二公廟致祭之餘
敬成律詩一首以紀其事之意云

總督漕運右叅將淮南湯節識

將軍豪氣薄雲天報

國丹心老愈堅豈料腥羶窺白日竟留忠節照青淵
勲名烜赫超前烈廟貌巍巍勝昔年千古同心
能有幾至今遺像在凌煙

又

上洋衛庸 歸德知州

逆虜遠天亂似蜂將軍報

國用奇功裹瘡戮力寧辭死割愛充飢要盡忠一片
丹心明日月千年清節凜霜風至今廟宇圖形
像

初賜睢陽祀不窮

又

邵陵徐明善鈞州知州

天寶三郎昏妖環為騷孽野鹿欲啣花漁陽鼓
鼙徹胡塵殺空來翠華發西轍獨公起真源倡
彼許遠烈慟哭玄元廟聞者皆中熟保障江淮
衝睢陽詎容輟勇弁令狐奸雄吐常山舌萬春
闕虜機抵鏃毋償歷百戰當矢石糗糒日已絕
裹瘡夜登陣擔輿賊俱滅求援掠潰圍賀蘭方

助祭南八新指忿仰射浮圖杰效死同一心貞
剛豈少蕭嗟嗟安史傳寔乃犬彘列三日援兵
至慶緒亦車裂天留中丞操千古表忠節

又

莆田郭爵 歸德州學正

六將懷忠事所天同心戮力志貞堅謀摧逆虜
威驅電畧衛皇唐氣塞淵嘉義閔風垂百世
聖朝廟祀享千年當時像閣旌何節割愛防胡萬竈
煙

又

姚江胡徽州學訓導

六王同憤氣如虹保障江淮克盡忠報
國一心祛羯虜捐軀百戰奮英雄靈祠落葉秋風裏

故壘鳴鴉夕照中千古睢陽遺跡在激昂臣節
播高風

又

唯陽李文致仕教諭

有唐阿榮起胡戎張許同輸報

國忠保障江淮伸大義唯祔關陝著奇功
裹瘡出陣心何苦飲血登陣氣尚雄更有偏裨能盡節
睢陽廟食振英風

刊忠臣錄成告文

維

正統十四年歲次己巳四月辛巳朔越
二十日庚子河南開封府歸德州判
官徐維楚等謹以牲醴敢昭告于
唐封忠臣六公之神惟

神精忠大節風化所闕理宜備錄垂
法人間先之以表以見請公叙事之

由次之以傳以見各人行事之實又
次之以鑑史以見忠節之取信於人
者如是又次之以碑記以見紀典之
廢興於世者如是終之以詩賦以發
其潛德之幽光又所以感後世之為
人臣而冀其盡忠節者也今其書成
聿新綉梓使六君子之忠義播揚於
天下惟爾有神尚克相之



書